



وتعدى بالدروب اوطان

وعلى حد الزمان تجود للغفلة مواري جود
لاحول الله ماثلك سوى الايمان وذنوبه
وسكن في داخلي جرحن على وجه العناية عود
تجرحه الديار وجفن بلسان الرضا دويه
خويي صبرنا نسوخ على حد المواجه ذود
وتعدى بالدروب اوطان واصحابه تعدوا به
الا ياخوف ما ترعف جنوبي من جنون الدود
مثل ما تحطعن الغفلة ولها محراب صلوا به

ترددنا على صبح عطى وجه الصحاري نود
مع رمل خذا وجه اليموم وظهر دروبه
وتعاتبنا الدروب اللي عطت عقر القوافل زود
وتوضينا من الرمضا وشريتنا الذنب والتوبه
خويي ون طلع صبح ترى يزعل عيون سود
وتعتبه الرماح اللي تفرز الجرح في ثوبه
وتغازلنا السيوف اللي توهج بالمدى ياكود
تقف بصدورنا العبره دموع مالها حويه

عبدالرزاق الدليلي



اختاري.. اختاري..!

تعالى ما بعدك الا عيون السيف ابو حدين
وانا من سيف عينك ماتشيل اسراري اسراري
غدي موحش لو انك يا غدي في معطف التخمين
وانا للبارح اذبح من سمين اعذارى اعذارى
تعلمت السكوت من الكلام اللي على وجهين
قبل لاندم وانا احسب زلتي واكبارى اكبارى
تبان اول معازيم الشعر يا هودج النسرين
يا زهرة خدها بين الورود اختاري اختاري..!

عبدالله بن حديجان

انا البارح يا غياث السهر ما غمضت لي عين
وانا اغازل على اخر مجشوي افكاري افكاري
عيون المستحيل تهز صمت الواقع من سنين
لو المعقول عينك ماتبيع اشعاري اشعاري
ورى ضلعي حنين ومن وري الضلع الحنين يبين
مشارف غربتي لوهي وطن واقدارى اقدارى
تجاوز عين جالوت السهر يا هدايك السكين
قبل تناضع على الطرف الكسول اوزاري اوزاري

